



卷九

書名 史記一百三十卷 慶長元和間古活字印本
 撰者 漢 司馬遷 撰，劉宋 裴駟 集解，唐 司馬貞 索隱，唐 張守節 正義
 卷 卷九
 內容分類 史-正史-分刻-史記
 索書號 貴重-30
 編號 B1112300

[彩色首頁1](#)
[彩色首頁2](#)

[東洋文化研究所漢籍目錄 編號: B1112300](#)
[東洋文化研究所漢籍目錄所藏漢籍善本文影像資料庫 索書號: 貴重-30](#)
[漢籍善本文影像資料庫文本史記一百三十卷 慶長元和間古活字印本](#)
 版權所有: [東京大學 東洋文化研究所](#)
[使用上的注意事項](#)

三皇本紀

補史紀 小司馬氏撰并注

小司馬氏云太史公作史記古今君臣宜應上自開闢下迄當代以為一家之首尾今闕三皇而以五帝為首者正以大戴禮有五帝德篇又帝世皆叙自黃帝已下故因以五帝本紀為首其實三皇已遷載籍罕備然君臣之始教化之先既論古史不合全關近代皇甫謐作帝王代紀徐整作三五歷皆論三皇已來事斯亦近古之一證今並採而集之作三皇本紀

雖復淺近聊補闕云

羲氏風姓代燧人氏繼天而王母曰

院學化文方東 第
No. 146 六
册

孝文本紀卷上
呂后本紀卷上



不 許 複 製

NOT TO BE REPRODUCED

東京大学東洋文化研究所



呂后本紀第九

索隱曰呂太后本以女主臨朝自孝惠崩後立少帝而始稱制正合附惠紀而論之不然或別為呂后本紀豈得全沒孝惠而獨稱呂后本紀合依班氏分為二紀焉

呂太后者

徐廣曰呂后父呂公漢元年為臨泗侯四年卒高后元年追謚曰呂

宣高祖微時妃也

漢書音義曰諱雉也

○生孝

惠帝

漢書音義曰諱盈

女魯元太后及高祖為漢王

得定陶戚姬

如淳曰姬音怡眾妾之總稱也漢官曰姬妾數百蘇林曰清河

國有妃里而題門作姬、瓚曰漢秩祿令及茂
陵書姬內官也、秩比二千五百、位次婕妤下在
七子八子之上、○索隱曰、如淳音怡、非也、茂
陵書云、姬是內官是矣、然官號及婦人通稱
姬者、姬周之姓、所以左傳稱伯姬叔姬、以言
天子之宗女、貴於他姓、故遂以姬為婦人美
號、故詩曰、雖有姬姜、不奔顛悴是也、
愛幸生趙隱王如意、孝惠
為人仁弱、高祖以為不類、我常欲廢太子、立
戚姬子如意、如意類我、戚姬幸常從上之關
東、日夜啼泣、欲立其子代太子、呂后年長常
留守、希見上、益疏、如意立為趙王、後樂代太

子者數矣、索隱曰、幾音其、紀反、又音祈、賴大臣爭之、及留

侯策、索隱曰、謂張良叔孫通等、太子得母

廢呂后為人、剛毅佐高祖、定天下、所誅大臣

多、呂后力、呂后兄二人皆為將、長兄周呂侯

徐廣曰、名澤、高祖八年卒、謚令武侯、追謚曰悼、武王、死、事封其子呂台

為酈侯、徐廣曰、酈一作酈、○索隱曰、子產為

交侯、徐廣曰、弟也、次兄呂釋之為建成侯、徐廣曰、

年卒、謚高祖十二年四月甲辰崩、長樂宮太

康王

子襲號為帝是時高祖八子長男肥孝惠兄也異母索隱曰母曰曹姬肥為齊王餘皆孝惠弟戚姬子如意為趙王薄夫人子恒為代王諸姬子子恆為梁王子友為淮陽王子長為淮南王子建為燕王高祖弟交為楚王兄子濞為吳王非劉氏功臣番君吳芮子臣為長沙王呂后最怨戚夫人及其子趙王迺令永巷如淳曰列女傳曰周宣姜后脫簪珥待罪永巷後改為掖庭○索隱曰永巷別宮名有長巷故

名之也韋昭云以為在掖門內故謂之掖庭也囚戚夫人而召趙王

使者三反趙相建平侯周昌謂使者曰高帝屬臣趙王趙王年少竊聞太后怨戚夫人欲召趙王并誅之臣不敢遣王王且亦病不能奉詔呂后大怒迺使人召趙相趙相徵至長安迺使人復召趙王王來未到孝惠帝慈仁知太后怒自迎趙王霸上與入宮自挾與趙王起居飲食太后欲殺之不得間孝惠元年

十二月帝晨出射趙王少不能蚤起太后聞

其獨居使人持醪飲之應劭曰醪鳥食蠶以其羽畫酒中飲之立

死犂明孝惠還徐廣曰犂猶此也諸趙王已

死於是乃徙淮陽王友為趙王夏詔賜酈侯

父追謚為令武侯索隱曰令音齡太后遂斷戚夫人

手足去眼輝耳飲瘖藥使居廁中命曰人彘

居數日迺召孝惠帝觀人彘孝惠見問迺知

其戚夫人迺大哭因病歲餘不能起使人請

有

太后曰此非人所為臣為太后子終不能治

天下孝惠以此日飲為淫樂不聽政故者病

也二年楚元王齊悼惠王皆來朝十月孝惠

與齊王燕飲太后前孝惠以為齊王兄置上

坐如家人之禮太后怒迺酌兩卮酖置前令

齊王起為壽齊王起孝惠亦起取卮欲俱為

壽太后迺恐自起泛孝惠卮索隱曰泛齊王音棒泛也

怪之因不敢飲詳醉去問知其酖齊王恐自

以為不得脫長安憂齊內史士徐廣曰說王一作出

曰太后獨有孝惠與魯元公主如淳曰公羊傳曰天子嫁

女於諸侯必使諸侯同姓者主之故謂之公主百官表列侯所食曰國皇后公主所食曰

邑諸侯王女曰公主蘇林曰公五等尊爵也春秋聽臣子以稱君父婦人稱主有主孟啗

我之比故云公主瓚曰天子之女雖食湯沐之邑不君其氏○索隱曰啗音徒盪反按主

是謂里克妻即優施之語事見國語孟者且也言且晉我物我教汝婦事夫之道此即婦

人稱主之意耳今王有七十餘城而公主迺

比音必二反食數城王誠以一郡上太后為公主湯沐邑

太后必喜王必無憂於是齊王迺上城陽之

郡尊公主為王太后如淳曰張敖子偃為魯王故公主得為太后

呂后喜許之迺置酒齊邸正義曰漢法諸侯各起邸第於京師


也樂飲罷歸齊王三年方築長安城四年就

半五年六年城就索隱曰漢宮闕疏四年築東面五年築北面漢舊儀

城方六十三里經緯各十二里三輔舊事云城形似北斗也諸侯來會十

月朝賀七年秋八月戊寅孝惠帝崩皇甫謐曰帝以

秦始皇三十七年發喪太后哭泣不下留侯生崩時年二十三



子張辟彊為侍中

應劭曰入侍天子故曰侍中

年十五謂

丞相曰太后獨有孝惠今崩哭不悲君知其

解乎

正義曰解紀賈反言哭解情有所思也又音戶賈反解節解也又紀買反謂解也

也丞相曰何解辟彊曰帝毋壯子正義曰太

后畏君等君今請拜呂台呂產呂祿為將將

兵居南北軍及諸呂皆入宮居中用事如此

則太后心安君等幸得脫禍矣丞相迺如辟

彊計太后說其哭迺哀呂氏權由此起迺大

赦天下九月辛丑葬

漢書云葬安陵皇覽曰山高三十二丈廣袤百

二十步居地六十畝皇甫謐曰去長陵十里去長安北三十五里

太子即位

為帝謁高廟元年號令一出太后太后稱制

議欲立諸呂為王問右丞相王陵王陵曰高

帝刑白馬盟曰非劉氏而王天下共擊之今

王呂氏非約也太后不說問左丞相陳平絳

侯周勃勃等對曰高帝定天下王子弟今太

后稱制王昆弟諸呂無所不可太后喜罷朝

刑

王陵讓陳平絳侯曰始與高帝噀血盟索隱曰噀

鄒音使接反又云或作噀又音丁牒反諸君不在邪今高帝崩

太后女主欲王呂氏諸君縱欲阿意背約何

面目見高帝地下陳平絳侯曰於今面折廷

爭臣不如君夫全社稷定劉氏之後君亦不

如臣王陵無以應之十一月太后欲廢王陵

乃拜為帝太傅應劭曰古官傅者覆也贊

之相權王陵遂病免歸迺以左丞相平為右

丞相以辟陽侯審食其為左丞相索隱曰韋昭云辟陽

信都之縣名也左丞相不治事令監官中如郎中令

食其故得幸太后常用事公卿皆因而決事

迺追尊酈侯父為悼武王欲以王諸呂為漸

四月太后欲侯諸呂迺先封高祖之功臣郎

中令無擇徐廣曰姓馮為博城侯正義曰括地志云兗州博城本

模博城縣城魯元公主薨賜謚為魯元太后子偃

為魯王魯王父宣平侯張敖也封齊悼惠王

子章為朱虛侯

索隱曰虛音墟琅邪將也○正義曰括地志云朱虛故城

在青州臨朐縣東六十里漢朱虛也十三州志云丹朱遊故虛故云朱虛也虛猶丘也朱

猶丹也以呂祿女妻之齊丞相壽為平定侯

徐廣曰姓陽成也延以齊曰姓少府延為梧侯

徐廣曰姓陽成也延以乃封呂種為沛侯

徐廣曰釋之之子也○正義曰括地志云徐州沛縣

也呂平為扶柳侯

徐廣曰呂右沛子也母太后欲王呂氏

張買為南宮侯

徐廣曰其父越太后欲王呂氏

張先立孝惠後宮子彊為淮陽王

韋昭曰今子不疑為常山王

正義曰括地志云常山故城東垣子山為襄成侯

索隱曰按下文更名義子朝為軹侯

索隱曰子武為壺關侯太后風大臣大臣請立酈侯

索隱曰呂台為呂王

正義曰呂台為呂王後太后許之建成康侯釋之率嗣子有罪廢立其弟

正義曰呂台為呂王後太后

正義曰呂台為呂王後太后

呂祿

徐廣曰釋之少子

為胡陵侯

正義曰縣名屬山陽章帝改曰胡陵

續康侯後二年常山王薨以其弟襄成侯山

為常山王更名義十一月呂王台薨謚為肅

王太子嘉代立為王三年無事

漢書云秋四星晝見

年封呂頹為臨光侯呂他為俞侯

索隱曰他音陀俞音

輸○正義曰括地志云故師城在德州平原縣西南三十里本漢師縣呂他邑也呂

更始為贅其侯

徐廣曰表云呂后弟子淮陽丞相呂勝為贅其侯○索隱

曰按表贅其在臨淮

呂忿為呂成侯

正義曰括地志云故呂城在鄧州南

陽陽縣西三十里呂尚先相封又諸侯丞相五人

徐廣曰中邑侯朱通

山都侯王恬開松茲侯徐厲滕侯呂更始醴陵侯越宣平侯女為孝惠

皇后時無子詳為有身取美人子名之

正義曰劉

伯莊云諸美人元幸呂氏懷身而入宮生子

殺其母立所名子為

太子孝惠崩太子立為帝帝壯或聞其母死

非真皇后子廼出言曰后安能殺吾母而名

我我未壯壯即為變太后聞而患之恐其為

亂廼幽之永巷中言帝病甚左右莫得見太

后曰凡有天下治為萬民命徐廣曰一者蓋無此字之如天容之如地上有懼心以安百姓百姓欣然以事其上懼欣交通而天下治今皇帝病久不已迺失感愾亂不能繼嗣奉宗廟祭祀不可屬天下其代之羣臣皆頓首言皇太后為天下齊民計所以安宗廟社稷甚深群臣頓首奉詔帝廢位太后幽殺之五月丙辰立常山王義為帝更名曰弘不稱元年者以

太后制天下事也以軹侯朝為常山王置太尉官絳侯勃為太尉五年八月淮陽王薨以弟壺關侯武為淮陽王六年十月太后曰呂王嘉居處驕恣廢之以肅王台弟呂產為呂王夏赦天下封齊悼惠王子與居為東海侯索隱曰韋昭云東萊縣七年正月太后召趙王友友以諸呂女為后弗愛愛他姬諸呂女妬怒去讒之於太后誣以罪過曰呂氏安得王太后百

年

歲後吾必擊之太后怒以故召趙王趙王至
置邸不見令衛圍守之弗與食其群臣或竊
饋輒捕論之趙王餓乃歌曰諸呂用事兮劉
氏危迫魯王侯兮彊授我妃我妃既妬兮誣
我以惡讒女亂國兮上曾不寤我無忠臣兮
何故棄國自決中野兮蒼天舉直徐廣曰舉一作與
于嗟不可悔兮寧蚤自財為王而餓死兮誰
者憐之呂氏絕理兮託天報仇丁丑趙王幽

決

死以民禮葬之長安民冢次己丑日食晝晦
太后惡之心不樂乃謂左右曰此為我也二
月徙梁王恢為趙王呂王產徙為梁王梁王
不之國為帝太傅立皇子平昌侯太為呂王
更名梁曰呂呂曰濟川太后女弟呂嬃索隱曰韋昭云樊嘗妻封林光侯有女為營陵侯劉澤妻澤為太
將軍太后王諸呂恐即崩後劉將軍為害廼
以劉澤為琅邪王以慰其心梁王恢之徙王

趙心懷不樂太后以呂產女為趙王后王后
從官皆諸呂擅權微伺趙王趙王不得自恣
王有所愛姬王后使人酖殺之王乃為歌詩
四章令樂人歌之王悲六月即自殺太后聞
之以為王用婦人棄宗廟禮廢其嗣宣平侯
張敖卒以子偃為魯王敖賜諡為魯元王秋
太后使使告代王欲徙王趙代王謝願守代
邊太傅產丞相平等言武信侯呂祿徐廣曰呂后兄

子也前封胡陵侯蓋號曰武信上侯位次第一如淳曰功大者位在上功
臣侯表有第一請立為趙王太后許之追尊
第二之次也

祿父康侯為趙昭王九月燕靈王建薨有羨
人子太后使人殺之無後國除八年十月立
呂肅王子東平侯呂通為燕王封通弟呂莊
為東平侯三月中呂后被還正義曰被勞弗反又音廢後同
過軹道見物如蒼犬據高后掖徐廣曰忽弗據音戟
復見下之云趙王如意為崇高后遂病掖傷

高后為外孫魯元王偃年少蚤失父母孤弱

廼封張敖前姬兩子侈為新都侯壽為樂昌

侯徐廣曰今細陽之池陽鄉以輔魯元王偃及封中大夫

者張釋為建陵侯徐廣曰一云張釋卿駟按如淳曰百官表謁者掌賓

贊受事灌嬰為中謁者後常以奄人為之諸官加中者多奄人也呂榮為祝

茲侯徐廣曰呂昆弟諸中宦者令丞皆為關內侯

食邑五百戶如淳曰列侯出關就國關內侯但爵其身有加異者與關內之

邑食其租稅也風俗通義曰秦時六國未平將帥皆家關中稱關內侯七月中

高后病甚廼令趙王呂祿為上將軍軍北軍

呂王產居南軍呂太后誡產祿曰高帝已定

天下與大臣約曰非劉氏王者天下共擊之

今呂氏王大臣弗平我即崩帝年少大臣恐

為變必據兵衛官慎毋送喪毋為人所制幸

已高后崩遺詔賜諸侯王各千金蔡邕曰皇子封為王

者其實古諸侯也加號稱王故謂之將相列諸侯王王子封為侯者謂之諸侯也將相列

侯即吏皆以秩賜金大赦天下以呂王產為

相國以呂祿女為帝后高后已葬

皇甫謐曰合葬長陵

皇覽曰高帝呂后山各一所也

以左丞相審食其為帝太傅

朱虛侯劉章有氣力東牟侯興居其弟也皆

齊哀王弟居長安當是時諸呂用事擅權欲

為亂畏高帝故大臣絳灌等未敢發朱虛侯

婦呂祿女陰知其謀恐見誅廼陰令人告其

兄齊王欲令發兵西誅諸呂而立朱虛侯欲

從中與大臣為應齊王欲發兵其相弗聽八

月丙午齊王欲使人誅相相召平廼反舉兵

欲圍王王因殺其相遂發兵東詐奪琅邪王

兵并將之而西語在齊王語中齊王廼遺諸

侯王書曰高帝平定天下王諸子弟悼惠王

王齊悼惠王薨孝惠帝使留侯良立臣為齊

王孝惠崩高后用事春秋高聽諸呂擅廢帝

更立又比殺三趙王

索隱曰比音如字比猶類也趙隱王如意趙幽

王友趙王恢是滅梁趙燕以王諸呂分齊為四

忠臣進諫上惑亂弗聽今高后崩而帝春秋
富未能治天下固恃大臣諸侯而諸呂又擅
自尊官聚兵嚴威劫列侯忠臣矯制以今天
下宗廟眇以危寡人率兵入誅不當為王者
漢聞之相國呂產等迺遣穎陰侯灌嬰將兵
擊之灌嬰至滎陽迺謀曰諸呂權兵關中欲
危劉氏而自立今我破齊還報此益呂氏之
資也迺留屯滎陽使使諭齊王及諸侯與連

和以待呂氏變共誅之齊王聞之迺還兵西

界待約呂祿呂產欲發亂關中內憚絳侯朱

虛等外畏齊楚兵又恐灌嬰畔之欲待灌嬰

兵與齊合而發猶豫未決

索隱曰猶鄒音以獸反與音預又作

豫崔浩云猶猿類也印鼻長尾性多疑又說文云猶獸名多疑故比之也按狐性亦多疑

度水而聽水聲故云狐疑也今解者又引老子與猶予冬涉川猶予若畏四隣故以為猶

與且按狐聽水而此云猶予冬涉川則猶與是狐類不疑若畏四隣則猶定是獸自不保

同類故云當是時濟川王太淮陽王武常山畏四隣也

王朝名為少帝榮及魯元王呂后外孫皆年
少未之國居長安趙王祿梁王產各將兵居
南北軍皆呂氏之人列侯羣臣莫自堅其命
太尉絳侯勃不得入軍中主兵曲周侯酈商
老病其子寄與呂祿善絳侯迺與丞相陳平
謀使人劫酈商令其子寄往給說呂祿曰高
帝與呂后共定天下劉氏所立九王索隱曰吳楚齊淮南琅邪代常山王朝淮陽王武濟川王太是九王也呂氏立三王索隱

曰梁王產趙王祿趙王通也

皆大臣之議事已布告諸侯

諸侯皆以為宜今太后崩帝少而足下佩趙
王印不急之國守藩迺為上將將兵留此為
大臣諸侯所疑足下何不歸將印以兵屬太
尉請梁王歸相國印與大臣盟而之國齊兵
必罷大臣得安足下高枕而王千里此萬世
之利也呂祿信然其計欲歸將印以兵屬太
尉使人報呂產及諸呂老人或以為便或曰

不便計猶豫未有所決呂祿信酈寄時與出
游獵過其姑呂嬃嬃大怒曰若為將而棄軍
呂氏今無處矣索隱曰嬃師古以為言見詩滅無處所也迺悉出
珠玉寶器散堂下曰毋為他人守也左丞相
食其免八月庚申旦平陽侯窋行御史大夫
事見相國產計事即中令賈壽使從齊來因
數產曰王不蚤之國今雖欲行尚可得邪具
以灌嬰與齊楚合從欲誅諸呂告產迺趣產

急入官平陽侯頗聞其語迺馳告丞相太尉

太尉欲入北軍不得入襄平侯通徐廣曰尚

符節張晏曰紀信子也尚主也今符節令○索隱曰張晏云紀信子又晉灼云信焚

死不見有後按功臣表襄平侯紀通父成以將車定三秦死事子侯則通非信子張說謬


誤迺令持節矯內太尉北軍太尉復令酈寄

與典客劉揭漢書百官表曰典客秦官也掌諸侯歸義蠻夷先說呂

祿曰帝使太尉守北軍欲足下之國急歸將

印辭去不然禍且起呂祿以為酈兄徐廣曰音况字

揭巨列反音傑



也名不欺已遂解印屬典客而以兵授太尉
寄太尉將之入軍門行令軍中曰為呂氏右禮
為劉氏左禮軍中皆左禮為劉氏太尉行至
將軍呂祿亦已解上將印去太尉遂將北軍
然尚有南軍平陽侯聞之以呂產謀告丞相
平丞相平迺召朱虛侯佐太尉太尉令朱虛
侯監軍門令平陽侯告衛尉毋入相國產殿
門呂產不知呂祿已去北軍迺入未央宮欲

為亂殿門弗得入徘徊往來平陽侯忍弗勝
馳語太尉太尉尚恐不勝諸呂未敢訟言誅

之徐廣曰訟一作公、翔案韋昭曰訟猶公也、
○索隱曰韋昭以訟為公、徐廣亦云然蓋
公為得之、公言猶明言也、又解者云訟誦說也迺遣朱虛侯謂曰急

入宮衛帝朱虛侯請率太尉予率千餘人入
未央宮門遂見產廷中日舖時遂擊產產走
天風大起以故其從官亂莫敢鬪遂產殺之
即中府吏廁中如淳曰百官表郎中令掌宮
殿門戶故其府在宮中後轉

為光祿
勲也 朱虛侯已殺產帝命謁者持節勞朱
虛侯朱虛侯欲奪節信謁者不肯朱虛侯則
從與載因節信馳走斬長樂衛尉呂更始還
馳入北軍報太尉太尉起拜賀朱虛侯曰所
慮獨呂產今已誅天下定矣遂遣人分部悉
捕諸呂男女無少長皆斬之辛酉捕斬呂祿
而笞殺呂頹使人誅燕王呂通而廢魯王偃
壬戌以帝太傅食其復為左丞相戊辰徙濟

川王王梁立趙幽王子遂為趙王遣朱虛侯
章以誅諸呂氏事告齊王令罷兵灌嬰兵亦
罷滎陽而歸諸大臣相與陰謀曰少帝及梁
淮陽常山王皆非真孝惠子也呂后以計詐
名他人子殺其母養後宮令孝惠子之立以
為後又諸王以疆呂氏今皆已夷滅諸呂而
置所立即長用事吾屬無類矣不如視諸王
最賢者立之或言齊悼惠王高帝長子今其

薄

適子為齊王推本言之高帝適長孫可立也
 大臣皆曰呂氏以外家惡而幾危宗廟亂功
 臣今齊王母家駟鈞駟鈞惡人也即立齊王
 則復為呂氏欲立淮南王以為少母家又惡
 迺曰代王方今高帝見子最長仁孝寬厚太
 后家潘氏謹良且立長故順以仁孝聞於天
 下便迺相與共陰使人召代王代王使人辭
 謝再反然後乘六乘傳張晏曰備漢朝有變欲馳還也或曰傳車

大後九月

文穎曰即閏九月也時律曆廢不

首至九月則歲終後九月則閏月

晦日已酉至長安舍代邸

大臣皆往謁奉天子璽上代王共尊立為天

子代王數讓群臣固請然後聽東牟侯興居

曰誅呂氏吾無功請得除官迺與大僕汝陰

侯滕公入宮前謂少帝曰足下非劉氏不當

立乃顧麾左右執戟者持兵罷去

徐廣曰有持音仆有

數人不肯去兵宦者令張澤諭告亦去兵滕

公迺召乘輿車載少帝出

蔡邕曰律曰敢盜乘輿服御物天子

至尊不敢溲瀆言之故託於乘輿也乘猶載也輿猶車也天子以天下為家不以京師宮室為常處則當乘車輿以行天下故群臣託乘輿以言之也故或謂之車駕少帝

曰欲將我安之乎滕公曰出就舍舍少府迺

奉天子法駕

蔡邕曰天子有大駕小駕法駕上乘金根車駕六馬有五時副

車駕四馬侍中參乘屬車三十六乘

迎代王於邸報曰宮謹除

代王即夕入未央宮有謁者十人持戟衛端

門曰天子在也足下何為者而入代王迺謂

太尉太尉往諭謁者十人皆搃兵而去代王

遂入而聽政夜有司分部誅滅梁淮陽常山

王及少帝於邸代王立為天子二十三年崩


謚為孝文皇帝

太史公曰孝惠皇帝高后之時黎民得離戰

國之苦君臣俱欲休息乎無為故惠帝乘拱

高后女主稱制政不出房戶天下晏然刑罰

罕用罪人是希民務稼穡衣食滋殖



索隱述贊曰

高祖猶微

呂氏作妃

及正軒掖

尚私食其

志懷安忍

徃狹猜疑

置鳩齊悼

殘穉戚姬

孝惠崩殞

其哭不悲

諸呂用事

天下示私

大臣菹醢

支孽芟夷

禍盈斯驗

蒼狗為雷

呂后本紀第九

史記九

孝文本紀第十

史記十

孝文皇帝

漢書音義曰諱恒

高祖中子也高祖十一

年春已破陳豨軍定代地立為代王都中都

正義曰括地志云中都故城在汾州平遙縣西南十二里秦屬太原郡也太后薄

氏子即位十七年高后八年七月高后崩九

月諸呂呂產等欲為亂以危劉氏大臣共誅

之謀召立代王事在呂后語中丞相陳平太

尉周勃等使人迎代王代王問左右郎中令